



## **Cussagliaziun energetica per patruns da fabrica e proprietaris da chasas**

Il cumün spordscha a seis abitants ün servezzan da cussagliaziun energetica cul böt da sbassar il consüm d'energia dals stabilimaints in cumün a vista mezdana ed a lunga vista. Il cusgliader dal cumün da Scuol es *Jon Armon Strimer*, architect e specialist per dumondas energeticas. El es neutral, quai vuol dir ch'el nu profita scha'l patrun da fabrica realisescha las masüras arcumandadas.

La prüma cussagliaziun paja il cumün. El vuol simplifichar cun quai l'access a masüras per optimar l'effizienz energetica da stabilimaints. Quista prüma cussagliaziun, ün uschedit «Gebäudecheck», dimena üna prüma examinaziun dal stabilimaint, succeda per regla al lö. Ella cumpiglia propostas chi pertoccan ils mürs e las parais sco eir la tecnica da chasa, implü daja tips per spargnar energia e cussagls per la realisaziun.

Ils cuosts per eventualas ulteriuras cussagliaziuns surpiglian las personas chi tscherchan cussagl.

Infuormaziuns davart la cussagliaziun energetica as chatta sülla pagina d'internet da nos cusgliader energetic, Jon Armon Strimer. Ils termins sun da cumbinar directamaing cun el (datas da contact vair suotvart).

Eir il Chantun spordscha a patruns da fabrica e planisaders üna cussagliaziun energetica gratuita. Sülla website da l'Uffizi d'energia e da trafic as chatta divers fögls d'infuormaziun. L'uffizi dà eir infuormaziuns per telefon (081 257 36 30) obain persunalmaing pro a Cuaira, Rohanstrasse 5 (termins tenor cunvegna).

### **Cusgliader energetic dal cumün da Scuol**

Jon Armon Strimer  
architect dipl. FH/SIA  
STRIMER architects SA  
7546 Ardez  
081 862 22 22 / [info\(at\)strimersa.ch](mailto:info(at)strimersa.ch) / [strimersa.ch](http://strimersa.ch)